

*Nakristianoan  
a Ministri ni  
Tony Alamo*



**BARO A JERUSALEM**

*Pagiwarnak para iti Lubong*

*Pastor Tony Alamo*

*Ti Nakristianoan a Nasion ni Alamo*

*Dagiti Iglesia iti Entero a Lubong*



**Libro 17700**

## **DAGITI NAILANGITAN NGA ANGHEL A NAKATALINAED ITI RABAW TI PLANETA TAYO**

**ni Tony Alamo**

“Dagiti karruahe ti DIOS ket duapulo a ribu, ken rinibrido pay nga anghel: adda ti APO kada-kuada” (Salmo 68:17). Nalawag launay a dagiti karruahe ti DIOS ket isu dagiti flying saucers ita, a maaw-awagan kas UFO. Saanda a naggapu iti aniaman a dadduma a planeta, ngem isuda dagiti anghel ti DIOS, nga iti adun a siglo isuda ti nagbalin a pulis para kadagit krimen a maibusor iti linteg ti DIOS ken maibusor kadagit magtawid iti pannakaisalakan.<sup>1</sup>

Ibaga ti Hebreo 1:10-14, “Ket, SIKA, APO, idi punganay inlatagmo ti pundasion ti daga; ken dagiti langit ket aramid dagita imam: Mapukawda; ngem agtlnaedka; ken dumaanda a kas iti kawes; Ken kas iti kagay kupinem ida, ken mabaliwanda: ngem saanka nga agbaliw, ken saan a mapaaay dagiti tawenmo. Ngem siasino kadagit anghel iti aniaman a kanito ti nangibagaanna, agtugawka iti makannawan nga imak [a kas imbagana ken ni CRISTO], agingga nga aramidek dagiti kabusormo kas pagbawayam? Saanda kad’ amin a miminstro nga espiritu, a naibaon tapno agministro kada- gitimamagtawid iti pannakaisalakan?”

No saan a maigapu kadagit karruahe ti DIOS (nga aw-awagan ti kaadduan a tattao kas UFO), kasano a mamanmanan dagiti agminministro nga espiritu ti DIOS dagiti naimbag nga aramid dagiti santo ken ti korpasion nga ar-aramiden dagiti managdakdakes iti daga duapulo ket uppat nga oras



*Da Tony ken Susan Alamo, ti orchestra ken choir iti programada iti television idi 1970s ken nasapa a paset ti ‘80s*

iti tunggal aldaw? Kasano a maammoan ti DIOS, uray no ISUNA ket DIOS a makaammo iti amin, no sinno ti anghel nga ibaonna ken no katnona nga ibaon ida tapno mangbendision kadagit santo wenco tapno mangballaag, mangilunod, wenco mangdaael kadagit managdakdakes?

Kas pangarigan, iti Genesis 32:12 imbagia ti DIOS ken ni Jacob, nga inawaganna kalpasan kas Israel, “Agaramidakto kenka iti naimbag, ken paadduek ti anakmo kas iti darat ti baybay, a saan a mabilang ta reprep daytoy.” Ngem ammo ti DIOS ti adda iti panunot ni David idi nagkeddeng ti ari a bilangenna dagiti annak ti Israel. Kastoy no kasano a nangrugi. Ibaga ti Umuna a Cronicas 21:1-2, “Ket timmakder ni Sata- nas a maibusor iti Israel, ket prinobokarna ni David a mangbilang iti Israel [nga im-

baga ti DIOS a saan a bilangan ta saan a mabilang daytoy (Hebreo 11:12)]. Ket ni David kinunana ken ni Joab ken kada- git papangoloen [dagiti lider] dagiti tattao, Incayo, bilangenyti Israel manipud Beerseba agingga iti Dan; ket iyegyo kaniak ti bilangda, tapno maammoak.” Babaen iti panagtulnogna ken ni Satan, naiturong ni David iti pusona, kas naiturong met ni Eva iti pusona, tapno ibagada iti pusoda, “Agbalinakto a kas iti KANGATOAN A DIOS, ket maammoakto ti bilang a kas iti pannakaammo ti DIOS iti bi- lang.” No nakaunget launay ti

DIOS iti saan a panangdengngeg wenco panagtulnog da Eva ken Adan KENKUANA nga inlunodna babaen iti patay ti tunggal kararua nga agbiagto iti daga, Impier- no, ken agnanayon a Dan-aw ti Apoy, apay ta palubosan ti DIOS ni David a maitaray- anna ti kasta a kita ti kinasukir ken kina- managbasol manipud iti panangdengngeg ken panagtulnogna iti bilin ni Satan?<sup>2</sup> Saanna a raraemen ti siasinoman a tao.<sup>3</sup> No inlunodna da Adan ken Eva gapu iti panagsukirda KENKUANA, ken no inlunodna ni Ari David, ti mansanas ti matana, gapu iti panagsukir KENKUANA, ilunodna met ti sika ken siak ken ti siasinoman pay gapu iti panangsukir KENKUANA.<sup>4</sup>

Kalpasan a minandaran ni David ni Joab tapno bilangenna dagiti tattao ti Is-

*(Maituloy iti panid 2)*

<sup>1</sup> Gen. 18:20-22, 19:1-25, Num. 22:21-35, 2 Sam. 24:10-16, 2 Ar 6:8-17, 2 Cron. 20:1-29, 32:1-22, Sal. 34:7, 35:4-5, 68:17, Dan. 6:21-22, Zac. 1:7-21, 2:1-5, kap. 4, Mat. 28:1-7, Ara. 5:17-24, 12:1-12, 21-23, Pal. 7:1-2, kap. 8, 9:1-5, 13-21, 14:6-11, 15:1, 5-8, kap. 16, 18:1-6, 21, 19:17-18, 20:1-3    <sup>2</sup> Gen. 2:16-17, 3:1-19, Rom. 5:12-18, 1 Cor. 15:22, 47    <sup>3</sup> Lev. 19:15, Deut. 1:17, 16:19, 1 Sam. 26:23, 1 Ar. 8:32, 2 Cron. 6:23, 19:7, Sal. 9:8, Prov. 24:23, 28:21, Isa. 45:21, Ara. 10:34, Rom. 2:11, Ef. 6:9, Col. 3:25, San. 2:1-10, 1 Ped. 1:17, Pal. 15:3    <sup>4</sup> Gen. 3:1-19, Ex. 23:20-21, Deut. 11:26-28, 28:61-63, 1 Sam. 12:14-15, 15:22-23, 2 Sam. kap. 11, 12:1-23, Job 36:7-12, Jer. 12:16-17, 18:9-10, Rom. 2:5-13, 6:12-16, Ef. 5:3-6, 2 Tes. 1:7-9, Heb. 2:1-4

## DAGITI NAILANGITAN NGA ANGHEL A NAKATALINAED ITI RABAW TI PLANETA TAYO

(Katuloy ti panid 1)

rael, sinungbatan ni Joab ni David ket imbagana, "Inaramid ti APO dagiti tattaona a maminsanggasut a dasar nga ad-adungem iti bilangda koma: ngem, apok nga ari, saanda kad' amin ket adipen ti apok? Apay kadi ta dawaten ti apok daytoy? Apay kadi ta agbalin isuna a gapu ti panagbasol ti Israel? Uray kasta nagballigi ti sao ti ari maibusor ken ni Joab. Isu a napan ni Joab, ket napan iti entero nga Israel, ken napan idiy Jerusalem. Ket inted ni Joab ti pak-agupgupan ti bilang dagiti tattao ken ni David. Ket amin ti Israel ket sangeribu a ribu ken sangagasut a ribu [1,100,000] a lallaki a makabael nga agiggem iti kampilan: ket ti Juda ken uppat a gasut ket pito-pulo a ribu [470,000] a lallaki a makabael nga agiggem iti kampilan. Ngem saanna nga imbilang ti Levi ken Benjamin kada-kuada: ta ti sao ti ari ket makarimon ken ni Joab [a kas met iti DIOS].

"Ket saan a naay-ayo ti DIOS iti daytoy a banag; ngarud sinaplitna ti Israel. Ket imbagana ni David iti DIOS, nagbasolak iti dakkel, gapu ta inaramidko daytoy a banag: ngem ita-agpakaasiak KENKA, ikkatem ti basol ti adipenmo; ta nakaaramidak iti na-maag launay. Ket nagtimek ti APO ken ni Gad, ti profeta ni David, ket kunana, Mapanka ket ibagam ken ni David, ibagam, daytoy ti kuna ti APO, idiyak kenka ti tallo a banag [tallo a lunod—agpilika iti maysa]: agpilika ti maysa kadakuada, tapno aramidek kenka. Isu a napan ni Gad ken ni David ket kunana kenkuana, Kuna ti APO, agpilika no tallo a tawen a bisin; wenne tallo a bulan a pannakadadael iti imatang dagiti kalabanmo, kabayatan a parmekennaka ti kampilan dagiti kalabanmo; wenne tallo nga aldaw a pannakadadael ti entero a saklaw ti Israel babaen iti kampilan ti APO. Ngarud ita ballaagam ta bagim no ania ti sao nga idanonko KENKUANA a nangib-aon kaniak. Ket kuna ni David ken ni Gad, marigatanak: ipalubosmo a matnagak iti ima ti APO; ta dakkel launay dagiti kaasi-na: ngem saanmo nga ipalubos a matnagak iti ima ti tao.

"Isu nga nangibaon ti APO iti peste iti Israel: ket natay ti pitupulo ribo a lallaki. Ket nangibaon ti DIOS iti ANGHEL [maysa a flying saucer nga iman-manehoan ti

maysa laeng nga ANGHEL] idiy Je-rusalem tapno mangdadael iti daytoy: ken kas [ti ANGHEL] daddadaelenna, kimmitta ti APO, ken nagbabawi ISU-NA iti kinadakes, ket imbagana iti [iti tagabantay] ANGHEL a nangdadael, kus-ton, isardengmon ta imam. Ket nagtakder [ti tagabantay] ti ANGHEL ti APO iti pagirikan ni Ornan a Jebuseo. Ket intangad ni David ti matana ket nakitana ti ANGHEL ti APO [ti tagabantay] a nakatakder iti nagbaeten ti daga ken langit, nga addaan iti nakaasot a kampilan a nakaturong iti Jerusalem.

"Idi kuan da David ken dagiti panglakayen ti Israel a nakakawes iti sako [agay-ayunarda ti kaipapanan daytoy] nagrukbabda iti daga. Ket kinuna ni David iti DIOS, saan kadi a siak ti nagmandar a mabilang dagiti tao? Siak ngarud ti nagbasol ken nagaramid iti dakes; ngem dagitoy a karnero, ania kadi ti inaramidda? Ikarragko KENKA, O APO, ipatay MO koma ta imam kaniak ken iti pagtaengan ti amak; ngem saan a dagiti tattaom ti madidigma. Ngarud minandaran ti ANGHEL ti APO ni Gad [ti profeta] nga ibagana ken ni David, a sumang-at isuna ket mangaramid iti altar a para iti APO iti pagirikan ni Ornan a Jebuseo. Ket simmang-at ni David kalsasan ti panagsao ni Gad iti nagan ti APO.

"Ket nagtallikod ni Ornan ket naki-tana ti ANGHEL; ket naglemmeng dat-giti uppat nga annakna a lalaki [kas met ar-aramiden dagiti dadduma a tattao iti agdama no makakitada kadagiti flying saucers, UFO, dagiti ANGHEL ti DIOS, nga agtaptapaw iti ngatoenda; saan a nag-gapu dagitoy kadagiti dadduma a planeta ngem manipud idiy Langit!]. Agir-irik ni Ornan iti trig. Ket kas um-umay ni David ken ni Ornan, kimmitta ni Ornan ket nakitana ni David, ket rimuar iti pagiri-

kan, ket inrukbabna ti bagina ken ni David [idi nakita ni Ornan ti ANGHEL ken idi kuan ni David, nariknana a dakkel ti pan-nakainaig ti ANGHEL ken ni David. Nag-buteng ni Ornan ket nagrubbab iti imatang ni David]. Idi kuan imbagna ni David ken ni Ornan, Itedmo kaniak daytoy a lugar ti pagirikan, tapno pagpatakderak iti altar a para iti APO: ited mo kaniak iti naan-anay a gatadna: tapno umadayo ti didigra kadagiti tattao. Ket kuna ni Ornan ken ni David, Alaem a para kenka, ket aramidem apok nga ari no ania ti nasayaat iti panag-kitam: ipaayko met ti baka para kadagiti daton a mapuoran, ken dagiti alikamen ti pagirikan tapno pagsungrod, ket ti trigo para iti daton a karne; Itedko amin dagitoy. Ket kuna ni ari David ken ni Ornan, Saan; ngem pudno a gatangek daytoy iti naan-anay a gatadna: ta saanko nga alaen ti kukuam para iti APO, wenne ti agida-ton iti mapuoran nga awan bayadna. Isu a nangted ni David ken ni Ornan para iti lugar ti innem a gasut a piraso ti balitok a natimbang. Ket nangbangon sadiay ni Da-vid iti altar para iti APO, ken nangidaton kadagiti daton a mapuoran ken pakikappia a daton, ken immawag iti APO; ket ISU [DIOS] simmungbat kenkuana manipud iti Langit babaen iti apoy iti altar ti mapu-oran a daton. Ket binilin ti APO ti ANGHEL; ket insubrina manen ti kampilanna iti kalubanna.

"Iti tiempo a nakita ni David a sim-mungbat ti APO kenkuana iti pagirikan ni Ornan a Jebuseo, nagi-daton isuna sadiay. Ta ti tabernakulo ti APO, nga inaramid ni Moises idiy let-ang, ken ti altar ti mapu-oran a daton, ket adda iti dayta a kanito iti nangato a lugar idiy Gibeon. Ngem saan a makapan ni David sadiay tapno agsaludsod iti DIOS: ta mabuteng isuna gapu iti kampilan ti ANGHEL ti APO (1 Cronicas

## Malawi

Patpatgek ken ni Cristo,

Kablaaw iti Apo. Kayatko nga ipakaammo kadakayo a ti package nga impawityo ket nakadanon iti apag-umiso a kanito a pakasapulanna. Inwarasmi idiy Mthandizi trading center ket adu ti tao a nangawat ken ni Jesus kas Apoda. Amen.

Ti kiddawmi ket pangaasiyo ta saankayo nga agkedked a mangipaw-it kadagiti ad-adu pay a Biblia, libro a Mesias, ken pagiwarnak nga iwarawas, kasta met kada-giti T-shirt para kadagiti miembro ti teammi.

Kankanayon nga agkarkararakami para ken ni Pastor Alamo ken ti situasion ti ministri a pagdaldalananyo.

Kadwam iti Apo,

Evance Nauliya

Limbe, Malawi

21:3-30). Adda adu a nasantoan a sursurat a mangipakita nga us-usaren ti DIOS dagiti anghelna tapno agilunod ken agdadael.<sup>5</sup>

Inladawan ti lakay a profeta Nahum dagiti nawaway a dalan ken luglukan iti agdama iti wagas laeng nga ammona a pangibaga. Ibaga ti Nahum 2:4, "Agpeggesto dagiti karruahe kadagiti daldalan, agsisinnabatda kadagiti nalalawa a daldalan: kasladala pagsilawan, agtarayda a kas kadagiti kimat." Dagitoy ket padto kadagiti maudi nga al-alddaw maipapan kadagiti luglukan a demakina ken nawaway a daldalan (expressway).

Awan ti biag iti aniaman a dadduma a planeta, kadagiti dadduma a parsua ti DIOS. Ngarud, naan-anay nga uuyawen ken minamaag a panunoten a dagiti flying saucers ken UFO ket manipud kadagiti aniaman a dadduma a planeta. Nagtaudda idiy Langit.

Nangnngruna ngem ti aniaman pay, kayat ti DIOS a mapati ISUNA ken am-

<sup>5</sup> Gen. 19:1-25, Num. 22:1-35, 25:1-9, 2 Sam. 24:1-17, 2 Ar. 19:35, 1 Cron. 21:9-30, 2 Cron. 32:19-22, Pal. 7:1-2, kap. 8, 9:1-5, 13-21, 14:8-11, 15-20, kap. 16, 18:1-2, 21, 19:17-21, 20:1-3, 21:9

## India

Patgek a kakabsat a lallaki ken babbai ken ni Cristo,

Nasantoan a kablaaw kadakayo. Ita nga alddaw naawatmi ti nakaskasdaaw a babasaenyo. Maragsakankami launay ta adda dagiti litrato ti baptism servicemi iti pagiwarnaky!

Babaen iti suportayo iti kararag, nabali ligi launay ti inaramidmi a Naebanghelioan a taripnong idi maika-4, 5, ken 6 iti Marso. Kayatko met ti mangipaw-it kadagiti litrato. Kabayatan dagita a taripnong, kiniddawmi ti pannakabalin ti Dios ken ti Dayagna. Kadagita a taripnong nagadu ti tattao a Hindu a nangawat iti plano ti Dios a panangisalakan.

Agkarkararakami amin ditoy para ti salun-at ni Pastor Tony ken dagiti ministriyo. Bendisionannakay koma ti Dios.

Daytoy kabsatyo ken ni Cristo,

Solman Raju Kola

Andhra Pradesh, India



DAGITI ONLINE A MINISTRI NI ALAMO  
www.alamoministries.com

mona a saanmo patien ISUNA no salungasingem dagiti bilinna. Daytoy ti kuna ti DIOS maipapan iti Langit ken dagana. Iti Genesis 1:14-15, "Ket kuna ti DIOS, maadda koma dagiti lawag iti tangatang ti langit tapno bingayenna ti bigat manipud iti rabii; ket agpaayda koma a pagilasinan, ken pampanawen [para ditoy daga, saan nga iti aniaman pay a dadduma a planeta], ken alaldaw, ken tawtawen [manen, para laeng iti planeta a Daga]: Ken agpaayda koma kas lawlawag iti tangatang ti langit tapno mangted iti lawag iti DAGA [saan nga idiy Mars, Jupiter, Mercury, weno aniaman pay a planeta]: ket naaramid daytoy." Saan mo nga ipagarup a malasatam ti kinakorap ken kinaranggas a mapaspasamaken ita ken padakkelenna ti bukodna iti aw-awagam kas "ina a daga." Saanmo pagarupen a makapanka iti sabali a planeta tapno agbiag, ta saan a masustenan ti biag iti sadinoman pay a lugar. Saanmo masarakan ti kappia ditoy daga ta tattaotayo a nakorap, ken no awan ti APO kadagiti pusotayo, kankanayonto latta a koraptayo. Maysa pay, pangaasim ta ikkatenyo kadagiti panunotyo a dagitoy

a UFO, flying saucers, TAGABANTAY, ANGHEL, ket naggapu manipud iti sabali a planeta. No patiem ti kasta a kamali a sursuro, impatuloden ti DIOS ti dakkel a pannakaallilaw kas dinakamatna iti 2 Tesalonica 2:8-12: "Ket maiparangto dayta a Nadakes [ti diablo, ni Satan, ti Anticristo], a pukawen ti APO babaen iti ESPIRITU ti ngiwartna, ken dadaelennant babaen iti kinaranniag ti yaanya: Uray isuna, a ti yaanya ket gapu iti aramid ni Satan, nga akin-iggem iti amin a pannakabalin [amin a nakapuy ken kasla agpalpalama a Satanic a pannakabalin] ken kadagiti pagilasinan ken agul-ulbod a pagsidsiddaawan [dagiti ulbod kas iti panangibaga a dagiti ANGHEL

<sup>6</sup> Gen. 9:5-6, Ex. 20:13, 21:12-15, 22-23, Lev. 24:17, Num. 35:16-21, 30-33, Deut. 5:17, 27:24-25, Sal. 139:13-16, Prov. 1:10-16, 6:16-18, Jer. 1:5, Mat. 19:18, Marc. 10:19, Luc. 18:20, Rom. 13:9, Gal. 5:19-21, 1 Tim. 1:9-10, San. 2:11, 1 Juan 3:15, Pal. 9:20-21, 21:8, 22:14-15 <sup>7</sup> Gen. 19:1-13, 24-25, Lev. 18:22, 20:13, Deut. 22:5, 23:17, Uk. 19:22-25, Rom. 1:20-32, 1 Cor. 6:9-10, 1 Tim. 1:9-10, 2 Tim. 3:1-5, Judas 7 <sup>8</sup> Ex. 20:14, Lev. 18:20, 20:10, Deut. 5:18, 22-24, 1 Ar. 14:24, 15:11-12, Prov. 6:29, 32-33, Jer. 5:8-9, Ezek. 18:10-13, 22:11, Mal. 3:5 Mat. 5:27-28, 15:19-20, 19:18, Marc. 7:21-23, Luc. 18:20, Rom. 13:9, 1 Cor. 6:9-10, San. 2:10-12 <sup>9</sup> 1 Cor. 5:9-11, 6:9-10, 13-18, 7:2, 10:7-8, 2 Cor. 12:21, Ef. 5:3, Col. 3:5-6, 1 Tes. 4:3-5, Judas 7, Pal. 2:14, 20-22, 9:20-21

<sup>10</sup> Deut. 21:20-21, Prov. 23:21, 29-35, 31:4-5, Isa. 5:11, 22-23, 28:1-4, Nahum 1:9-10, Luc. 21:33-36, Rom. 13:12-14, 1 Cor. 5:10-12, 6:9-10, Gal. 5:19-23, 1 Tes. 5:6-8, 1 Tim. 3:8-9, Tito 1:7-9, 2:1-5, 1 Ped. 4:1-5, 2 Ped. 1:5-8 <sup>11</sup> Eccl. 2:1-3, 7:2-6, Mat. 12:36, Ef. 5:3-4, 1 Tim. 2:9-10, 15, Tito 2:1-8, 12, 1 Ped. 1:13-16, 4:7, 5:8 <sup>12</sup> Ex. 20:15, 22:1-4, Lev. 19:11, 13, Deut. 5:19, Zac. 5:3, Mat. 15:19-20, 19:18, Marc. 7:21-23, Luc. 18:20, 19:45-46, Rom. 13:9, 1 Cor. 6:10, Ef. 4:28, Pal. 9:21 <sup>13</sup> Lev. 24:11-16, 23, Mat. 12:22-32, 15:19-20, Luc. 12:9-10, Pal. 13:1-9, 14:8-11, 17:1-9 <sup>14</sup> Deut. 4:29, 6:5, 10:12, 11:13, 13:3-4, 26:16, 30:6, Jos. 22:5, Mat. 22:37-40 <sup>15</sup> Ex. 18:21, 20:17, Deut. 5:21, Sal. 10:3, Mic. 2:1-3, Marc. 7:21-23, Rom. 1:28-32, 13:8-9, 1 Cor. 5:9-11, 6:9-10, Ef. 5:1-5, Col. 3:5-6, 2 Tim. 3:1-5, 2 Ped. 2:1-3, 12-14, 1 Juan 2:15-17

weno UFO ket manipud kadagiti dadduma a planeta, ken adda biag kadagiti dadduma a planeta, ken ngannganimon mabaelan nga itarayan ti dakes a korapsion daytoy a lubong iti dadduma a sabali a planeta], ken iti amin kinamanangallilaw [ti panangibaga a mabalin dagiti same sex marriage, abortion, umuna a tukad a pamapatay ket mabalin,<sup>6</sup> ti lesbianismo ken kinabakla ket mabalin,<sup>7</sup> pannakikamalala<sup>8</sup> ken pannakibig ket mabalin,<sup>9</sup> ti agbartek iti arak weno droga ket mabalin,<sup>10</sup> ti komedia ket mabalin,<sup>11</sup> panagtakaw<sup>12</sup> ken panagtabbaaw ket mabalin,<sup>13</sup> ti saan a panangayat iti APO a DIOSMO iti amin a puso, kararua, panunot ken pigsa ket mabalin,<sup>14</sup> ti saan a panagserbi iti APO ket mabalin, ken panaggartem ket mabalin<sup>15]</sup> ti saan a kinalinteg kadakuada a madadaelto; gapu ta saanda nga inawat ti panangayat iti kinapudno, tapno maisalakanda koma. Ket gapu iti daytoy mangibaonto ti DIOS kadakuada iti napigsa a pannakaallilaw, tapno patienda ti ulbod [ti ulbod kas iti panangibaga a dagiti UFO ket naggapu kadagiti dadduma a planeta, a kasla ketdin adda biag kadagiti dadduma a planeta]: tapno aminda a saan a mamati iti kinapudno, ngem nagragsakanda ti saan a kinalinteg ket mailunodto."

Agsublitayo iti Genesis 1: "Ket naramid ti DIOS iti dua a napiigisa a lawag; ti napigisa a silaw tapno iturayanna ti aldaw [ti init], ken ti nakapkapsut a lawag tapno iturayanna ti rabii [ti bulan]: Inaramidna met dagiti bituen. Ket inkabil ida ti DIOS iti tangatang ti langit tapno mangipaayda iti lawag iti rabaw TI DAGA [saan nga iti aniaman a planeta], ken tapno iturayanda ti bigat ken rabii, ket tapno bingayenda ti lawag manipud iti kinasipnet: ket nakita ti DIOS a nasayaat daytoy" (Genesis 1:16-18).

Ita ania ti patiem? Patiem kadi ti nasayaat weno ti dakes? Patiem kadi nga inaramidnatayo ti DIOS manipud iti tapok ti daga,

(Maituloy iti panid 4)

## DAGITI NAILANGITAN NGA ANGHEL A NAKATALINAED ITI RABAW TI PLANETA TAYO

(Katuloy ti panid 3)

wenno patiem dagiti tattao ti siensia? Matematika kadi iti DIOS wenno kadagiti carbon dating machine? Iti sabali a sarita, patiem kadi a ti lubong ket 6,000 a tawenen a kas ibaga ti APO nga isu daytoy, wenno patiem ti ulbod a ti lubong ket minilmillion wenno binilbillon ti tawennan kas ibaga dagiti miembro iti ateismo? No patiem dagiti ulbod imbes a ti SAO TI DIOS, immawatka iti dakkel a pannakaallilaw, ken nailunodkan.<sup>16</sup> Namnamaek, para iti pagsayaatam, saan a pudno daytoy. No kayatmo ti maisalakan ken busbusem ti agnanayon idiy Langit a kadduam ti DIOS AMA, ti ANAK, ken ti ESPIRITU SANTO, karamanen amin dagidiay a namati iti DIOS babaen iti ANAKNA a ni CRISTO JESUS, ibagam daytoy a kararag:

APOK ken DIOSKO, maasi Ka kadi iti kararuak a managbasol.<sup>17</sup> Mamatiak a ni JESU-CRISTO ket isu ti ANAK ti sibbiag a DIOS.<sup>18</sup> Mamatiak a natay ISUNA idiy crus ken imbuyatna iti napateg a DARANA para iti pannakapakawan iti amin a napalabas a basolko.<sup>19</sup> Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,<sup>20</sup> ken

agtugtugaw ISUNA iti makannawan nga ima ti DIOS ket iti agdama a dengdenggenna iti panangikon-fesarko iti basolko ken iti daytoy a kararag.<sup>21</sup> Ilukat ko ti ruangan daytoy pusok, ket AWISENKA ditoy pusok, APO JESUS.<sup>22</sup> Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idiy Kalbario.<sup>23</sup> SAANNAKTO a paglikudan, APO JESUS; PAKAW-NEMTO dagiti basolko ken isalakanmo iti kararuak. Ammok gapu ta ti SAOM, ti Biblia, isu ti ibagana.<sup>24</sup> Ibaga ti SAOM a SAANMONTO a paglikudan iti siasinoman, ket mairamanak dita.<sup>25</sup> Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.<sup>26</sup> Agyamanak KENKA, APO JESUS, iti panangisalakanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.<sup>27</sup>

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.<sup>28</sup> Adalem ti Santa Biblia [ti Ingles a King James Version] ken aramidem no ania ti ibagana.<sup>29</sup>

Ti APO kayatna nga ibagam iti dadduma ti pannakaisalakanmo. Mabalinmo ti agbalin a tagawaras kadagiti babasaen a

maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a tak-takawan ti DIOS kadagiti KUKUANA nga apagkapullo ken datdaton. Kuna ti DIOS, "Takawan kadi ti tao iti DIOS? Ngem TAK-TAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespiritan a makan] iti BALAYKO [naisalakan a karkararua], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawtawa ti Langit, ken ibuyatko kenka ti bendision, nga awanto ti kwarto a maka-laon a mangawat iti daytoy. Ken ungtakto ti mangdadael para kadakayo, ket saannanto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT" (Malakias 3:8-12).

<sup>16</sup> Isa. 66:3-4, 2 Tes. 2:3-12 <sup>33</sup> Sal. 51:5, Rom. 3:10-12, 23 <sup>17</sup> Mat. 26:63-64, 27:54, Luc. 1:30-33, Juan 9:35-37, Rom. 1:3-4 <sup>18</sup> Ara. 4:12, 20:28, Rom. 3:25, 1 Juan 1:7, Pal. 5:9 <sup>19</sup> Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 <sup>20</sup> Luc. 22:69, Ara. 2:25-36, Heb. 10:12-13 <sup>21</sup> 1 Cor. 3:16, Pal. 3:20 <sup>22</sup> Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 <sup>23</sup> Mat. 26:28, Ara. 2:21, 4:12, Ef. 1:7, Col. 1:14 <sup>24</sup> Mat. 21:22, Juan 6:35, 37-40, Rom. 10:13 <sup>25</sup> Heb. 11:6 <sup>26</sup> Juan 5:14, 8:11, Rom. 6:4, 1 Cor. 15:10, Pal. 7:14, 22:14 <sup>27</sup> Mat. 28:18-20, Juan 3:5, Ara. 2:38, 19:3-5 <sup>28</sup> Deut. 4:29, 13:4, 26:16, Jos. 1:8, 22:5, 2 Tim. 2:15, 3:14-17, San. 1:22-25, Pal. 3:18 <sup>29</sup> Mat. 28:18-20, Juan 3:5, Ara. 2:38, 19:3-5

*Kontaken dakami para iti ad-adupay nga imformasion wenno babasaen iti dadduma a topiko nga ayan ti interesmo.*  
**Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA**

**Linya ti 24-Oras a Panagkararag ken Imformasion: (661) 252-5686 • Fax (661) 252-4362**  
**[www.alamoministries.com](http://www.alamoministries.com) • [info@alamoministries.com](mailto:info@alamoministries.com)**

*Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararua, panunot ken pigsa.*

**Dagiti Gimong a maar-aramid iti Siudad ti New York Tunggal Martes iti 8 P.M. ken iti dadduma a lokasion iti rinabii.**  
**Tawagan (908) 937-5723 para iti imformasion. ADDA MAIDASAR A MAKAN KALPASAN TI TUNGGAL GIMONG.**

**Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.**

*Makipagtrabahoka iti panagapit iti kararua babaen iti panangiwarasmo kadagiti babasaen a sinurat ni Pastor Alamo.*

*Amin dagiti babasaen ken dedenggen a mensahe ket awan bayadna, agramanen ti pannakaibusonna.*

*Nu adda ti agpabpabayad kadakayo, tawagam daytoy a numero (661) 252-5686 collect.*

**LINAON DAYTOY A BABASAEN TI PUDNO A PANGGEPEP TI DIOS A PANANGISALAKAN (Aramid 4:12).**  
**SAAN MO NGA IBELBELLENG, IPASAM ITI SABALI.**

**Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.**  
**Nu iprintayo manen, inayunyo daytoy a kalintegan iti kopya ken pannakairehistro:**

© Kalintegan iti Kopya Marso 2013 Amin a kalintegan naited World Pastor Tony Alamo © Nairehistro Marso 2013

Ilocano—Volume 17700—Heavenly Angels Hovering Over Our Planet